



অবিলম্বে প্রকাশের উদ্দেশ্যে: 10/18/2020

গভর্নর অ্যাঙ্কু এম. কুওমো

গভর্নর কুওমো নিউ ইয়র্ক স্টেট COVID-19 টিকা দান প্রোগ্রামের খসড়া ঘোষণা করেছেন

*প্রোগ্রামের উদ্দেশ্য নিউ ইয়র্কের সকল বাসিন্দা যারা টিকা নিতে চান তাদের জন্য একটি নিরাপদ এবং কার্যকর COVID-19 টিকা দান নিশ্চিত করা*

*নেতৃস্থানীয় ক্লিনিক্যাল এবং জনস্বাস্থ্য বিশেষজ্ঞদের পরামর্শে প্রোগ্রাম বিকশিত*

*প্রস্তাবিত টিকা অগ্রাধিকার ম্যাদ্রিক্সে উচ্চ ঝুঁকিপূর্ণ জনসংখ্যা এবং প্রয়োজনীয় স্বাস্থ্যসেবা কর্মীদের জন্য প্রথমে টিকা গ্রহণ পরিকল্পনা করা হচ্ছে*

**নিউ ইয়র্ক স্টেট COVID-19 টিকা দান প্রোগ্রামের খসড়া [এখানে](#) উপলভ্য**

গভর্নর অ্যাঙ্কু এম. কুওমো আজ ঘোষণা করেছেন যে নিউ ইয়র্ক স্টেট ডিপার্টমেন্ট অফ হেল্থ (Department of Health, DOH) একটি খসড়া COVID-19 টিকা দান কর্মসূচী প্রকাশ করেছে যা নিউ ইয়র্কে একটি COVID-19 টিকার নিরাপদ এবং কার্যকর বিতরণ নিশ্চিত করার জন্য একটি প্রাথমিক কাঠামো হিসেবে কাজ করে।

খসড়া কর্মসূচী নেতৃস্থানীয় ক্লিনিক্যাল এবং জনস্বাস্থ্য বিশেষজ্ঞদের সাথে পরামর্শ করে উন্নত করা হয়েছে, এবং এর জন্য স্থানীয় স্বাস্থ্য বিভাগ, কমিউনিটি পার্টনার এবং সংস্থা এবং ফেডারেল সরকারের সাথে সহযোগিতা এবং অংশীদারিত্ব প্রয়োজন।

টিকা তৈরি প্রক্রিয়ার এই মুহূর্তে অনেক অজানা দিক বিবেচনা করে, নিউ ইয়র্ক স্টেট COVID-19 টিকা দান প্রোগ্রাম নমনীয় এবং টিকা প্রাপ্যতা, টিকা অনুমোদনের সময়রেখা, ফেডারেল এবং রাষ্ট্রীয় দায়িত্ব বণ্টন, অনুদান, সাপ্লাই চেইনের চাহিদা এবং বিতরণের প্রয়োজনীয়তা সম্পর্কিত একাধিক চলক এবং পরিস্থিতির জন্য ডিজাইন করা হয়েছে।

"আমরা অনেক অনুমানের উপর একটি পরিকল্পনা নিয়ে আসছি। আমরা জানি না আমরা কত ডোজ পেতে যাচ্ছি। আমরা জানি না আমরা কী টিকা পেতে যাচ্ছি। আমরা জানি না কখন আমরা এটা পাবো। রাজ্যে একটি রাজ্যব্যাপী টিকাকরণ পরিকল্পনা থাকবে। আমরা ফেডারেল সরকারের সাথে যৌথভাবে এটা করবো। ফেডারেল সরকার প্রকৃত টিকা উৎপাদন এবং টিকা বিতরণের দায়িত্বে

আছে," **গভর্নর কুওমো বলেন।** "স্টেটগুলি একা একা এটা করতে পারে না। এটাই শেষ কথা। এটা একটা বিশাল কার্যক্রম। COVID-এর অধীনে আজ পর্যন্ত আমরা যা করেছি তার চেয়ে এটি একটি বৃহত্তর অপারেশনাল কার্যক্রম। এটা আরো জটিল অঙ্গীকার এবং কাজ। এবং আমাদের ফেডারেল সরকারকে এই রাজ্য এবং প্রতিটি রাজ্যের সাথে একটি উপযুক্ত অংশীদার হতে হবে।"

এই টিকা নিরাপদ এবং কার্যকর তা প্রমাণিত হলে, খসড়া টিকা করণ কর্মসূচী বিজ্ঞান, ক্লিনিক্যাল দক্ষতা এবং জনস্বাস্থ্যের উপর ভিত্তি করে টিকা প্রাপকদের অগ্রাধিকার দেয়। এই পরিকল্পনা নিম্নলিখিত প্রস্তাবিত অগ্রাধিকার ম্যাট্রিক্স পেশ করে যাতে যারা সবচেয়ে ঝুঁকিপূর্ণ এবং অপরিহার্য কর্মীরা অগ্রাধিকার প্রাপক, বিশেষ করে সর্বোচ্চ COVID প্রবণতা সম্পন্ন সম্প্রদায়ের প্রতি বিশেষ মনোযোগ প্রদান করে।

	ভৌগলিক এলাকায় উচ্চ COVID-19 প্রবণতা	ভৌগলিক এলাকায় নিম্ন COVID-19 প্রবণতা
উচ্চ ঝুঁকিপূর্ণ জনসংখ্যা/ অত্যাবশ্যকীয় স্বাস্থ্যসেবা কর্মী	অগ্রাধিকার 1	অগ্রাধিকার 2
কম ঝুঁকি জনসংখ্যা/ অন্যান্য প্রয়োজনীয় কর্মী	অগ্রাধিকার 3	অগ্রাধিকার 4
সাধারণ জনসংখ্যা	অগ্রাধিকার 5	অগ্রাধিকার 6

প্রতিটি পর্যায়ের মধ্যে, খসড়া পরিকল্পনা নিম্নলিখিত অতিরিক্ত অগ্রাধিকার পর্যায় প্রস্তাব করে যা টিকার প্রাপ্যতা এবং টিকার হারের উপর ভিত্তি করে ব্যবহার করা হবে:

পর্যায় 1	<ul style="list-style-type: none"> <li>রোগীর যত্ন সেটিংসে কর্মরত স্বাস্থ্যসেবা কর্মীরা (ক্লিনিক্যাল এবং নন-ক্লিনিক্যাল) (আইসিইউ, ইউ, ইএমএস সর্বোচ্চ অগ্রাধিকার)</li> <li>দীর্ঘমেয়াদী যত্ন সুবিধা কর্মী যারা নিয়মিত বাসিন্দাদের সাথে যোগাযোগ করে</li> <li>সবচেয়ে ঝুঁকিপূর্ণ দীর্ঘমেয়াদী যত্ন সুবিধা রোগী</li> </ul>
পর্যায় 2	<ul style="list-style-type: none"> <li>ফার্স্ট রেস্পন্ডার (অগ্নি নির্বাপন, পুলিশ, ন্যাশনাল গার্ড)</li> <li>শিক্ষক/স্কুল কর্মচারী (সশরীরে নির্দেশনার ক্ষেত্রে), চাইল্ডকেয়ার প্রোভাইডার</li> <li>জনস্বাস্থ্য কর্মী</li> <li>অন্যান্য প্রয়োজনীয় ফ্রন্টলাইন কর্মীরা যারা নিয়মিত জনগণের সাথে মিথস্ক্রিয়া করে (ফার্মাসিস্ট, মুদি দোকানের কর্মী, ট্রানজিট কর্মী, ইত্যাদি) অথবা জটিল অবকাঠামো বজায় রাখে</li> <li>অন্যান্য দীর্ঘমেয়াদী যত্ন সুবিধা রোগী এবং অন্যান্য সমবেত সেটিংসে বসবাসকারী</li> </ul>

	<ul style="list-style-type: none"> <li>সাধারণ জনসংখ্যার ব্যক্তির যাদের কোমরবিডিটি এবং স্বাস্থ্য অবস্থার কারণে বিশেষ করে উচ্চ ঝুঁকিপূর্ণ বলে বিবেচনা করা হয়</li> </ul>
পর্যায় 3	<ul style="list-style-type: none"> <li>65 বছরের বেশী বয়সী ব্যক্তি</li> <li>উচ্চ ঝুঁকিসম্পন্ন 65 বছরের কম বয়সী ব্যক্তি</li> </ul>
পর্যায় 4	<ul style="list-style-type: none"> <li>অন্যান্য সকল প্রয়োজনীয় কর্মী</li> </ul>
পর্যায় 5	<ul style="list-style-type: none"> <li>সুস্থ প্রাপ্তবয়স্ক এবং শিশু</li> </ul>

নিউ ইয়র্ক স্টেট COVID-19 টিকা দান কর্মসূচীর খসড়া NYS ডিপার্টমেন্ট অফ হেল্থ দ্বারা প্রস্তুত করা হয়েছে এবং ফেডারেল সরকারের কাছ থেকে প্রত্যাশিত ভবিষ্যতের বিবরণের উপর ভিত্তি করে পরিবর্তন করা হবে। খসড়া পরিকল্পনায় বর্ণনা করা হয়েছে:

- টিকা প্রক্রিয়া জুড়ে যেসব নির্দেশিকা নীতি মেনে চলা হবে
- মূল অনুমান, অজানা দিক, এবং চলক যা টিকা পরিকল্পনাকে প্রভাবিত করতে পারে
- টিকা প্রদানের আগে এবং পরে নিরাপত্তা এবং কার্যকারিতা নিশ্চিত করতে পদক্ষেপ
- টিকা বিতরণ ও বাস্তবায়নের দক্ষতা
- ক্লিনিক্যাল গাইডেন্সের উপর ভিত্তি করে একটি টিকা অগ্রাধিকার ম্যাট্রিক্স
- দক্ষ টিকা বিতরণ এবং বিতরণের জন্য একটি প্রক্রিয়া
- টিকা দানের জন্য টিকা প্রদানকারীদের প্রশিক্ষণ, নিবন্ধন, প্রয়োগ এবং সহায়তার ব্যবস্থা
- টিকা প্রোগ্রামের সকল দিক সমন্বয় এবং পর্যবেক্ষণ করার জন্য একটি ডাটা এবং আইটি অবকাঠামো
- বিশ্বাস গড়ে তোলা এবং জনগণকে অবহিত করার জন্য একটি গণ শিক্ষা এবং কমিউনিটি আউটরিচ ক্যাম্পেইন
- সমগ্র টিকা প্রোগ্রাম পরিচালনার জন্য একটি ভ্যাকসিন সেন্ট্রাল কমান্ড সেন্টার
- প্রয়োজনীয় সরবরাহ ও সরঞ্জাম পেতে একটি বাজেট ও ক্রয় প্রক্রিয়া

নিউ ইয়র্ক স্টেট COVID-19 টিকা দান প্রোগ্রামের খসড়ায় স্বীকার করা হয়েছে যে ফেডারেল সরকারের টিকা উন্নয়ন প্রক্রিয়া এবং পরিকল্পনা সম্পর্কে এখনো অনেক অজানা দিক আছে, যার মধ্যে রয়েছে এর সময়, বরাদ্দ, পরিমাণ, অগ্রাধিকার, বিতরণ, টিকা দান এবং টিকা দানের পর পর্যবেক্ষণ। আজ পর্যন্ত, ফেডারেল সরকার ফেডারেল এবং রাজ্য সরকারের মধ্যে ভূমিকা এবং দায়িত্ব স্পষ্টভাবে বর্ণনা করেনি, বর্ণনা করেছে কিভাবে এই টিকা অর্থায়ন করা হবে বা পরিশোধ করা হবে, এবং নিউ ইয়র্কের একটি টিকা কর্মসূচীর পরিকল্পনা চূড়ান্ত করার আগে অন্যান্য গুরুত্বপূর্ণ বিবরণ প্রদান প্রয়োজন হবে।

###

আরও সংবাদ পেতে দেখুন [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)